

Nefndasvið Alþingis
Austurstræti 8-10
150 Reykjavík

Alþingi
Erindi nr. P 128/1770
komudagur. 28. 4. 2003

Bifröst 25. apríl 2003

Efni: Umsögn Viðskiptaháskólans á Bifröst um frumvarp til laga um breyting á lögum um lögmenn nr. 77/1998. 128. löggjafarþing 2002-2003, þskj. 975 - 612. mál.

Viðskiptaháskólinn á Bifröst hefur haft ofangreint frumvarp til athugunar og mælir eindregið með því að það verði afgreitt og gert að lögum sem fyrst. Með 4. gr. frumvarpsins er lögð til breyting á 4. tl. 1. mgr. 6. gr. lögmanna laga nr. 77/1998 í þá veru að jafnræðis verði gætt milli lögfræðinga um heimild til að afla sér lögmansréttinda án tillits til þess frá hvaða innlenda háskóla þeir hafa lokið prófi. Viðskiptaháskólinn á Bifröst fagnar þessari tillögu sem er sjálfsgöð og eðlileg breyting á lögmanna lögum í ljósi þeirrar staðreyndar sem nú þegar liggur fyrir að innan skamms munu fleiri innlendir skólar en Háskóli Íslands útskrifa lögfræðinga.

Það orðalag nógildandi lögmanna laga sem miðar við sérréttindi Háskóla Íslands til að geta útskrifað lögfræðinga sem aflað geta sér lögmansréttinda án sérstaks hæfnisprófs er afar umdeilanlegt og áhöld um hvort slíkt ákvæði standist jafnræðissjónarmið.


Viðskiptaháskólinn á Bifröst bendir á að í öðrum þeim lögum þar sem fjallað er um lögfræðipróf sem skilyrði réttindanautnar og sem nýlega hafa verið endurskoðuð hefur verið valið hlutlaust orðalag að þessu leyti. Þetta á t.d. við um dómstólalögin 15 frá 1998 en þar er í 4. gr. fjallað um skilyrði sem fullnægja verður til að geta orðið dómari við Hæstarétt. Þar er orðalagið; „*Hefur lokið embættisprófi í lögfræði eða háskólaprófi í þeirri grein sem metið verður því jafngilt.*“

Viðskiptaháskólinn á Bifröst bendir á að sambærileg breyting á lögum nr. 27/1981 um rétt manna til að kalla sig viðskiptafræðinga eða hagfræðinga var nýlega gerð (126. löggjafarþing 2000-2001, þskj. 770, 484. mál) þau rök sem búa að baki þeirri breytingu eru algjörlega hliðstæð þeim sem hér eiga við.

Viðskiptaháskólinn á Bifröst fagnar umræðu um kröfur sem gera verður til inntaks laganáms og vill leggja sitt af mörkum til þeirrar umræðu en telur hins vegar að sú umræða sé óskyld því úrlausnarefni sem hér er til umfjöllunar. Því

til sönnunar nægir að benda á að hvernig sem frumvarpi þessu reiðir af munu skv. þeim ákvörðunum sem þegar liggja fyrir og teknar hafa verið af handhöfum almannavalds nemendur með fullgilt lagapróf verða útskrifaðir frá öðrum háskóla en Háskóla Íslands innan fárra missera.

Virðingarfyllt,

A handwritten signature in black ink, appearing to read 'Ingibjörg Þorsteinsdóttir', written over a horizontal line.

Ingibjörg Þorsteinsdóttir,
deildarstjóri lögfræðideildar
Viðskiptaháskólans á Bifröst